

ՄԽԻԹԱՐ ԱՅՐԻՎԱՆԵՑՈՒ ՃԳՆԱՐԱՆ-ԲԱՐԱՅՐԻ  
ԱՐՁԱՆԱԳՐՈՒԹՅՈՒՆԸ

ԷԼԵՆՈՐԱ ՀԱՐՈՒԹՅՈՒՆՅԱՆ

Գեղարդի ճարտարապետական հուշարձանների համալիրը կազմող շրջա-  
կա ժայռերի մեջ փորված կառույցներում ուշագրավ է XIII դ. մատենագիր,  
պատմիչ Մխիթար Այրիվանեցու ճգնարանը: Աշխատելու և աղոթելու համար  
նախատեսված արհեստական այդ քարայրն աչքի է դարձում բնակվելու նպա-  
տակով ստեղծված կառուցվածքային հարմարություններով<sup>1</sup>: Սա ինքնին  
ընդգծում է այս ճգնարանի նշանակությունը միջնադարյան նման կառույց-  
ների շինարարական արվեստի պատմության ուսումնասիրման համար: Այս  
կառույցի պատմական նշանակությունը մեծանում է՝ կապված նրա բնակիչ  
Մխիթար Այրիվանեցու անվան հետ: Պահպանվել է քարայրի կառուցման  
արձանագրությունը, որը լույս է սփռում Այրիվանեցու կենսագրության հատ-  
կապես վերջին տարիների վրա: Այն փորագրված է քարայրի հիմնա-  
կան մուտքի կողքի պատին՝ դրսի կողմից: Ժամանակի ընթացքում պատի  
վրա, երկարությունը, առաջացել է ճեղք, որով արձանագրությունը բաժան-  
վել է երկու մասի: Ներկայումս այն որոշ չափով նաև հողմահարված է: Այս  
հանգամանքները, սակայն, չեն խաթարել արձանագրության բովանդակու-  
թյունը, որը հիմնականում ընթեռնելի է:

Ժամանակին այդ արձանագրության բնագիրը վերծանել և հրատարա-  
կել է Գ. Հովսեփյանը՝ կապված Այրիվանեցու ծննդյան թվականի ճշգրտման  
հետ: Նկատենք, որ մատենագրի կենսագրության մասին պահպանված տե-  
ղեկությունները կցկտուր են: Եղածներն էլ հատուկենտ հիշատակություններ  
են՝ ցրված նրա ստեղծագործություններում: Որոշ բանասերներ Մխիթար  
Այրիվանեցու ծննդյան և մահվան թվականները որոշել են ենթադրաբար՝  
առաջնորդվելով նրա գրած ժամանակագրության վերջին թվականով (1289),  
Օրինակ, Գ. Գալեմբյարյանը<sup>2</sup>, Ք. Պատկանյանը<sup>3</sup> նրան դիտել են որպես  
XIII դ. հեղինակ: Ըստ Մ. Բրոսսերի<sup>4</sup>, Ղ. Ալիշանի<sup>5</sup> և Ն. Ակինյանի<sup>6</sup>, որոնց

1 Գ. Հովսեփյան, Մխիթար Այրիվանեցի, նորագյուտ արձանագրություն և երկեր, Երուսղեմ, 1931, էջ 4—5, է. Սարգսյան, Մ. Սարգսյան, Գեղարդի վիճափոր կա-  
ռույցների մի խումբ (ՀՍՍՀ ԳԱ «Լրաբեր հասարակական գիտությունների», 1981, № 4,  
էջ 107—108): Հոգվածի հեղինակները, կրկնելով Գ. Հովսեփյանին (նշվ. աշխ., էջ 5), գրում  
են, որ Մխիթար Այրիվանեցին իր նշանվոր «Ճառընտիրը» ընդորինակել է այս քարայրում:  
Նկատենք, որ «Ճառընտիրը» գրվել է 1283 թ., իսկ քարայրը կառուցվել է 1289 թ. (տե՛ս  
Յ. Օ. Արությունյան, Сборник, составленный Мхитаром Айриванецки (1283 г.), («Па-  
мятники культуры, новые открытия», М., 1979, с. 7—12):

2 Գ. Գալեմբյարյան, Մխիթար Այրիվանեցին և յուր նորագյուտ գրությունը («Հան-  
դես ամսօրյա», Վիեննա, 1891, էջ 168):

3 Хронографическая история, составленная отцом Мхитаром, вардапетом Айри-  
ванским («Труды восточного отделения Императорского Археологического общества»,  
ч. 14, СПб., 1869, с. 311—418):

4 „Histoire chronologique par Mkhithar d'Aïrivank, XIII<sup>e</sup> s.“, St. Pétersbourg,  
1869, p. II, III, 72.

5 Ղ. Ալիշան, Այրարատ, Վենետիկ, 1890, էջ 350—351:

6 Ն. Ակինյան, Մխիթար Այրիվանեցվո Ճառընտիրի նորագյուտ հիշատակարանը  
(«Ակոս», Բեյրութ, 1946, № 13, էջ 120—121):

համար հիմք է ծառայել ժամանակագրությունում առկա XIV դ. սկզբին ապրած պատմական անձանց հիշատակությունները, Մխիթար Այրիվանեցին XIII—XIV դդ. հեղինակ է: Գ. Հովսեփյանը նրան ծնված է համարում 1222 թ., իսկ մեռած՝ 1291 թ.: Այժմ այս կարծիքը համարվում է ընդունելի, սակայն այն կարոտ է ճշգրտման և վերանայման: Բանն այն է, որ Գ. Հովսեփյանի հիմնական ելակետը Այրիվանեցու վերոհիշյալ քարայրի արձանագրությունն է, ուր նշված է այդ առանձնարանի կառուցման տարեթիվը՝ «21Ը» (1289): Այն թվագրված է 6 ուրիշ տարեթվերով, որոնցից 5-ի հաշվումները հանգեցնում են 1289—1290 թվականներին, իսկ մեկինը՝ 167-ի («ՃԿԷ»)<sup>7</sup>: Ահա այս վերջին թվականն է, որ Գ. Հովսեփյանը հիմք է ընդունել Այրիվանեցու ծննդյան տարեթիվը ճշտելու համար: Նա «ՃԿԷ» թվականի «Ճ»-ն համարելով հղծված՝ դուրս է թողել հաշվից: Հենվելով «ԿԷ»-ի (67) վրա, հաջորդ բառերն էլ կարդալով որպես «ամմերց», եզրակացրել է, թե Մխիթար Այրիվանեցին քարայրը կառուցելիս եղել է «ԿԷ» (67) տարեկան: Ըստ այդմ էլ, նա քարայրի կառուցման տարուց (1289) հանելով 67 տարի, ստացել է 1222 թ., որն էլ դիտել է իբրև Այրիվանեցու ծննդյան տարեթիվ: Գ. Հովսեփյանն այդ վերծանումը սկզբում կատարել է որոշ վերապահումով («Եթե սխալ չէ մեր ընթերցումը»)<sup>8</sup>, իսկ հետագայում որպես հաստատ եզրակացություն<sup>9</sup>: Բանասերներն էլ, հենվելով այս վերջինի վրա, այն ընդունել են անվերապահորեն<sup>10</sup>: Խորամուխ լինելով Մխիթար Այրիվանեցու կենսագրական հարդարի մեջ, նրա քարայրը տեսնելու և արձանագրությունն անձամբ կարդալու նպատակով եղանք տեղում: Արձանագրության մեր ընթերցումն է հայտ բերեց որոշ տարբերություններ Գ. Հովսեփյանի հրատարակած բնագրի համեմատությամբ: Հարկ ենք համարում ստորև ներկայացնել արձանագրության մեր ընթերցած բնագիրը, տողատակում նշելով Գ. Հովսեփյանի վերծանության տարբերությունները:

1 ԱՐՁԱՆԱԳՐՈՒԹՅԱՆ ԸՆԴՕՐԻՆԱԿՈՒԹՅՈՒՆԸ<sup>11</sup>

- ա. Ի ՓԱՌՍ ՔՈ ՔՍ ԱՍ ՄԵՐ ԵՒ Ի ԳԹՈՒԹ Հ
- բ. ԱԻՐ ԵՒ ՀՈԳՈՅԴ ՍՐՐՈ: ԵՍ ԲԱԶՄԱՄԵՆՂ ՏԷՐ ՄԽԻԹԱՐՍ
- գ. ՇԻՆԵՑԻ ԶԱՆԱՊԱՏՍ: ԵՒ ԱՆՈՒԱՆԵՑԻ ԺԱՄԱՏ
- դ. ԱՆՍ ՏԵՂԻ ԱՆՍԲԱՂ ԱՂԱԻԹԻՑ ԲՆԱԿԵՑԱ Ի ՍՄԱ ԱԻՈՒՐՔՍ
- ե. ԻԴ. ԿԱՆՈՆԱԻՔ ԲԱՅՑ ԹԷ ԸՆԹԵՐՅՈՒՄՆ ԿԱՄ ՀՈԳԻՇԱ
- զ. Հ ԲԱՆՔ ԱՆԷԻՑ ԵՆ ԱՂԱԶԵՄՔ ԶԱՄԵՆԵՍԵԱՆ ՅԻՇԵԼ
- է. ԶՄԵԶ ԱՌԱՋԻ ՔԻ ԶԻՇԽԱՆՆ ՄԵՐ ԶՊՈՒԱԽԵ ԵՒ
- ը. ԶԱԻՐՀՆԵԼ ԶԱԻԱԿՍ ՆՈՐԱ: ԹՎ :ՉԼԸ: Ի ՀԱ ԳՐՈ

7 Արձանագրությունների նման թվագրումը հատուկ է եղել X—XIII դդ. (տե՛ս Ս. Ավագյան, Անիի մայր տաճարի շինարարական արձանագրության տարեթվերը, ՀՍՍՀ ԳԱ «Լրաբեր», 1979, № 11, էջ 70—77):

8 Գ. Հովսեփյան, Մխիթար Այրիվանեցի, էջ 4—5:

9 Գ. Հովսեփյան, Խաղարկյանք կամ Պռոշյանք հայոց պատմության մեջ, Անթիլիաս—Լիբանան, 1969, էջ 207:

10 Ն. Ակիբյան, նշվ. աշխ., էջ 120, Հ. Աճառյան, Հայոց անձնանունների բառարան, հ. 3, Երևան, 1946, էջ 378, Բ. Սարգսյան, Մայր ցուցակ հայերեն ձևագրացի վեներտիկ, հ. 3, Վեներտիկ, 1968, էջ 702, Ռ. Իշխանյան, Հայ մատենագիտության պատմություն, պրակ Ա, Երևան, 1964, էջ 86:

11 ա. ՄԵՐ Ի ՓԻՍ ՄԵՐ ԵՒ Ի

բ. ՄԽ. ՎԴ. ՓԻՍ ՄԽԻԹԱՐՍ

գ. ԲՆԱԿԵՑԱ ՍՄԱ ԱԻՈՒՐ ՓԻՍ ԲՆԱԿԵՑԱ Ի ՍՄԱ ԱԻՈՒՐՔՍ

ե. ԲԱՅՑ Թ. ԸՆԹԵՐՅՈՒՄՆ ՓԻՍ ԲԱՅՑ ԹԷ ԸՆԹԵՐՅՈՒՄՆ

զ. ԲԱՆՔ Ի ՆՅՆ ՓԻՍ ԲԱՆՔ ԱՆԷԻՑ ԵՆ

թ. Ս : ՊԿԹ: Ի ՍՐՐՈՆ ԳՐԻԳՈՐԷ : ՋԶԵ: Ի ՔԻ ԾՆՆԴԵՆԷՆ:  
 Ժ. ՌՄՂԱ. ԱԴԱՄԱ : ՑՆԶԹ: ՓՔՐ ԹԻ : ՄԶ: ՃԿԷ: ԱՄԱՑ  
 Ժա. ...ԿԱՏԱՐԱՍ ԱՇԽԱՐՀԻ...  
 Ժբ. ՏՐՑ ԳՐ... ՅԴԻՇԵՑԷՔԻ Ի ՔՍ



1. Ճգնարան-քարայրի արձանագրությունը:

II ԱՐՁԱՆԱԳՐՈՒԹՅԱՆ ՎԵՐԾԱՆՈՒԹՅՈՒՆԸ

Ի վառս ջո Քրիստոս աստուած մեր եւ ի գթութիւն հաւր եւ հոգոյ սրբոյ, ես՝ բազմամեղ տէր Մխիթարս շինեցի զանապատս եւ անուանեցի ժամատանս տեղի անսրաղ աղաթից, բնակեցաւ ի սմա ատուրքս ԻԴ կանոնաւք, բայց թէ բնթերցումն կամ հոգեշահ բանք անէից են: Աղաչեմք զամենեան յիշել զմեզ առաջի Քրիստոսի զիշխանն մեր զՊռաւշ եւ զաւրհնել զաւակս նորա: ԹՎ. ՉԼԸ. (1291 թ.), Ի հայ գրոս ՊԿԹ: (1292 թ.), Ի սրբոյն Գրիգորէ ՋԶԵ: (1292 թ.), Ի Քրիստոսի ծննդեանն ՌՄՂԱ. (1291 թ.), Աղամա ՑՆԶԹ: (1291 թ.), փոքր թիվ ՄԶ: (1291 թ.), ՃԿԷ: ամաց... կատարած աշխարհի... Տիրացու գրիչ յԻշեցէք Ի Քրիստոս:

թ. Ի ՄԵՐՈՑՆԻ փխ Ի ՍՐՐՈՆ  
 Ժ. ՄՔ... ԿԷ. ԱՄՄԵՐԹ Փխ ՄԶ. ՃԿԷ ԱՄԱՑ



Քննվող հարցի առնչութիւմբ կարևոր են հատկապես արձանագրութիւն ը-ժա-րդ տողերի բովանդակած թվական փաստերը: Այստեղ նշված յոթ հիշարժան տարեթիվերից 6-ի հաշվումները համապատասխանում են Այրիվանեցու ժամանակագրութիւն հաշվումներին և հանգեցնում են երկու՝ 1291 և 1292 թվականներին: Դրանք են. արձանագրութիւնը փորագրելու տարին՝ 914 (738+553=1291), հայ գրերի գյուտի թվականին՝ ավելարցրած ՊԿԹ

Ի Ի Փ Ա Ի Ս Բ Ո Ւ Բ Ե Լ Ծ Է Ի Ե Ի Գ Բ Ո Ի Բ Ծ  
Ե Ե Ծ Ո Գ Ո Յ Դ Մ Բ Ո Ե Լ Ծ Ե Լ Ե Լ Ե Լ Ե Լ Ե Լ  
Ը Ե Ե Յ Ի Չ Ա Լ Ե Ա Պ Ա Ս Ե Լ Ե Լ Ե Լ Ե Լ Ե Լ Ե Լ  
Ա Ս Ս Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ  
Ի Դ Կ Ո Լ Ե Բ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ  
Տ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ  
Չ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ  
Չ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ  
Ս Դ Կ Բ Ե Բ Բ Ո Լ Ե Լ Ե Լ Ե Լ Ե Լ Ե Լ Ե Լ Ե Լ  
Ի Մ Ա Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ  
Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ Ե Լ  
Ս Ս Ծ Գ Բ Ծ Գ Ծ Ի Բ Թ

2. Արձանագրութիւն գրչագիրը

(869+423=1292), հայոց կաթողիկոսութիւն հաստատման թվականին՝ ավելարցրած ԶԶԵ (985+307=1292), Քրիստոսի ծննդից հաշված՝ ՌՄՂԱ (1291), Ադամի ծննդից հաշված՝ ՅՆԶԹ (6489-5198=1291), Հովհաննես Սարկավազի ստեղծած Հայոց փոքր թվականին ավելարցրած ՄԶ (206+1085=1291)<sup>12</sup>, Այստեղ նկատենք հետևյալը. Մխիթար Այրիվանեցին այն հեղինակներից է, որոնք Քրիստոսի ծննդյան թվականն ընդունել են ոչ թե մեր թվականութիւն 1 թիվը, այլ դրանից երկու տարի շուտ, հայկական քրիստոնեական 553 թ.:

12 Գ. Հովսեփյան, Մխիթար Այրիվանեցի, էջ 5: Գ. Հովսեփյանի մոտ, հավանաբար տպագրական սխալի հետևանքով, Ադամի ծննդից հաշվումը նշված է 6439 թվականով: Արձանագրութիւնում հիշատակված տարեթիվերն առկա են Մխիթար Այրիվանեցու Պատմութիւնում: Այսպես, օրինակ, ռնԳ: Սկիզբն դպրութեան հայ գրոցս ի ձեռն սրբոյն Սահակայ, Մեարտիմա՛ որբ 4 աշակերտաւք աշխատեալք, թարգմանեցին զամենայն շին և նոր կտակարանս (Մ. Մաշտոցի անվան մատենադարան (այսուհետև՝ Մատենադարան), ձեռ. Ձ 582, թ. 31բ): Կամ ռՇԼԳ (534+551=1085): Սկիզբն նոր թվականին, որ կարգեցաւ ի Յոհաննես վարդապետէ Հաղբատեցոյ, որ Սարկավազ կոչեցաւ: Սայ արար անշարժ տոմար ըստ այլոց ազգաց (նույն տեղում, թ. 38բ):

Այս կապակցութեամբ նա գրում է. «Ի ծննդենէն Քրիստոսի ի հայ թիւ ՇԾԳ (553)»<sup>13</sup>, Ուստի, ըստ ներկայումս ընդունելի հայկական քրիստոնեական 551 թ. հաշվումների, արձանագրութիւնում հիշատակված են 1289, 1290 թթ.։ Տարեհաշիվները տրված են Այրիվանեցու կողմից, այնպես որ երկու թվականների (1289 և 1290) առկայութիւնը չենք կարող դիտել իբրև թյուրիմացութեան արդյունք։ Դրա բացատրութիւնը գտնում ենք դարձյալ արձանագրութեան մեջ։ Նրա 4—5-րդ տողերում գրված է. «Բնակեցա ի սմա աւուրքս ԻԴ կանոնաւք»։ Այսինքն՝ ապրում էր այնտեղ ճգնավորների համար սահմանված կանոններով։ Արդյո՞ք դա չի խոսում նաև այն մասին, որ արձանագրութիւնը փորագրվել է ոչ անմիջապես, այլ որոշ ժամանակ անց։ Միայն այս դեպքում Այրիվանեցին կարող էր գրել «Բնակեցա ի սմա»։ Հետեււաբար, կարելի է եզրակացնել, որ առանձնարարը կառուցվել է 1289 թ., իսկ արձանագրութիւնը փորագրվել է Մխիթարի՝ այնտեղ մեկ տարի ապրելուց հետո միայն, 1290 թ.։ Ուշագրավ է, որ արձանագրութիւնում պահպանված է նաև փորագրիչի՝ Տիրացու գրչի անունը։

Անդրադառնալով մեզ հետաքրքրող յոթերորդ տվյալին («ՃԿէ»), տեսնում ենք, որ արձանագրութիւնում այն առնչվում է հաջորդ նախադասութեան հետ, որից ընթեռնելի են միայն «ամաց» և «կատարած աշխարհի» բառերը. դրանց միջև եղած երկու բառերը մնում են անվերծանելի։ Ըստ այսմ, «ՃԿէ»-ն (167), հավանաբար, կապվում է աշխարհի կործանման վերաբերյալ եղած որևէ գուշակութեան հետ։ Հայտնի են մի շարք այդպիսի գուշակութիւններ. օրինակ, Հովհաննես Կոզեռն վարդապետի տեսիլը՝ աշխարհի կործանման վերաբերյալ, որը Այրիվանեցու Պատմութիւնում ենթադրված է 1031—1041 թթ. միջև<sup>14</sup>։ Պարզ է, որ այն չի կարող առնչվել վերոհիշյալ «ՃԿէ» թվականի հետ։ Նման հաշվումներ են կատարվել նաև XIII դ. սկզբներին, որոնց համաձայն «Հայոց ՊԿԾ (1416) թվականին, լուսինը կատարյալ ձև ստանալով, այլև չի նվազելու... և տեղի է ունենալու սվախճան ժամանակի»<sup>15</sup>, Հիշյալ թվականի և Մխիթար Այրիվանեցու նշած թվականի տարբերութիւնը 42 տարի է (1291 + 167 = 1458 թ.)։ Այս առումով հետաքրքիր է Այրիվանեցու ժամանակագրութիւնում գրառված հետևյալ տեղեկութիւնը. «Ներկայացնելով Ադամի ճյուղագրութիւնը, նա Մաթուսաղայի մասին գրում է. «1287, Ենովք և Յաղներ ամաց ՃԿԾ (165) ծնան դՄաթուսաղայ։ Սա... ուրեմայ, թէ Բ անգամ անցանելոց է աշխարհ վասն մեղաց՝ ջրով և հրով...»<sup>16</sup>։ Ընդ որում, Մաթուսաղայի ապրած տարիների քանակը նույնպես նշված է «ՃԿԾ» թվով։ Հնարավոր է կարծել, որ արձանագրութիւնում աշխարհի վախճանի մասին եղած տեղեկութիւնը՝ «ՃԿէ», ինչ որ չափով առնչվում է Մաթուսաղայի գուշակութեան հետ։ Սակայն իրերի ներկա վիճակում այս հարցում ստուգութիւն մտցնել չենք կարող։ Անկախ այս հաշվումից, դժվար չէ նկատել, որ «ՃԿէ»-ն եղծված չէ և չի առնչվում Այրիվանեցու տարիքի, հետևապես և նրա ծննդյան թվականի հետ։

Քննվող արձանագրութիւնը, սակայն, լույս է սփռում Մխիթար Այրիվանեցու կենսագրութեան վերջին տարիների վրա։ Այսպես, նրա մահվան թվականի վերաբերյալ ևս, ինչպես ասվեց, որոշակի տեղեկութիւններ չկան։ Ըստ Գ. Հովսեփյանի, Այրիվանեցու մահը պետք է ընդունել 911—912 թվականներին, մոտավորապես 70 տարեկան հասակում, քանի որ 911 թվակա-

<sup>13</sup> Նույն տեղում, թ. 27բ։

<sup>14</sup> Առաջ տեղում, թ. 37բ, Ա. Հովհաննիսյան, Դրվագներ հայ ազատագրական մտքի պատմության, հ. 1, Երևան, 1957, էջ 45—46։

<sup>15</sup> Լ. Խաչիկյան, Հայ բնագիտական միտքը XIV—XVIII դարերում (սՊատմա-բանասիրական հանդես), 1971, № 2, էջ 29)։

<sup>16</sup> Մատենադարան, ձեռ. № 582, թ. 19ա։

նին 67 մմեայ էր»<sup>17</sup>։ Իբրև լրացուցիչ հիմնավորում նա հիշատակում է 1295 թ. Գրիգոր Անավարդեցու դեմ գումարված ժողովը, որի անդամների թվում Այրիվանեցու անունը նշված չէ։ Դա, ըստ Գ. Հովսեփյանի, «անկարելի կլիներ, եթե նա կենդանի լիներ»<sup>18</sup>։

Ուշադրություն դարձնելով Մատենադարանի № 84 ձեռագրում գտնվող «վախճանեցաւ սուրբ վարդապետն Մխիթար Այրիվանեցին թվականիս մերոյ 999 (1337), փետրվարի 6 (10)»<sup>19</sup> տեղեկության վրա, Գ. Հովսեփյանը միաժամանակ ցույց է տալիս, ոչ այն քաղված է Մխիթար Սասնեցու վարքից և Մխիթար Այրիվանեցուն չի վերաբերում։ Նա այս ճիշտ եզրակացությունը կատարելիս, սխալմամբ «999» (1337) թվականի փոխարեն դրել է «992» (1307)։ Հետագայում ն. Ակինյանը, քննելով Այրիվանեցու մահվան թվականի հարցը, հիմք է ընդունել այս սխալ հաշիվը և նրա մահը նշանակել 1307 թ.<sup>20</sup> 83 տարեկան հասակում<sup>20</sup>։ Ն. Ակինյանը, անդրադառնալով Մխիթար Այրիվանեցու մահվան վերաբերյալ Գ. Հովսեփյանի բերած փաստարկներին՝ Գրիգոր Անավարդեցու հարցի կապակցությամբ, հանգում է այլ եզրակացության. Բանն այն է, որ Անավարդեցու դեմ 1295 թ. գրված նամակի տակ կա նաև «Եւ տէր Մխիթար Հաուց Թառի եպիսկոպոս» ստորագրությունը։ Ն. Ակինյանը նրան նույնացնում է Մխիթար Այրիվանեցու հետ և բացատրում, թե XII—XIV դդ. Հավուց Թառը Գառնիի եպիսկոպոսության աթոռանիստն էր, նրա արքեպիսկոպոսը՝ Մխիթար Այրիվանեցին, որը, նստելով Այրիվանքում, այնտեղից «կը հովուէր իր թեմը»<sup>21</sup>։ Ն. Ակինյանը, անշուշտ, այս տողերը գրելու համար ունեցել է պատշաճ հիմք, որը, սակայն, մեզ հայտնի չէ։ Այս տեսակետից ուշագրավ է 1214 թ. գրված մի հիշատակարան, որի համաձայն Հավուց Թառը պատկանելիս է եղել Ջաքարյաններին («Ի տէրութեան տեղտյս Իւանէի») <sup>22</sup>։ Հնարավոր է, որ այդ վանքը ևս, Գեղարդավանքի հետ միասին, Պոռչ իշխանը դնած լիներ Իվանե Ջաքարյանից և միացրած իր տիրույթներին։ Սակայն, այսքանով նոր խոսք ավելացնել Մխիթար Այրիվանեցու կենսագրության վրա հնարավոր չէ։ Այս առումով ուշագրավ է նրա նորահայտ «Տոմարի տեսութիւն» աշխատության հեղինակման թվականը։ Աշխատության պահպանված հատվածների տոմարական հաշվումները ցույց են տալիս, որ այն գրված պետք է լինի 1297—1300 թթ.<sup>23</sup>, իսկ դա նշանակում է, որ Մխիթար Այրիվանեցին 1289 թ. հետո շուրջ տասնամյակ կենդանի է եղել։ Ուրեմն ի՞նչն է պատճառը, որ նա այլևս չի երևցել կեղեցաբաղաձակաւ ոլորտում։ Ինչպե՞ս է անցկացրել նա իր կյանքի վերջին տարիները։ Ահա այս հարցերի պատասխանը գտնում ենք հիշյալ քարայրի արձանագրությունում։ Այստեղից հայտնի է դառնում, որ Մխիթար Այրիվանեցին 1289 թ. կառուցելով քարայրը, անցել է ճգնավորության՝ նրանց համար սահմանված կանոններով. «Եւ՛ ըրազմամեղ տէր Մխիթարս շինեցի զանապատս եւ անուանեցի ժամատանս տեղի անսբաղ աղաւթից։ Բնակեցա ի սմա աւուրքս Ի՛ր կանոնաւք»։ Ահա, սրանով պետք է բացատրել և այն, որ Այրիվանեցին չնայած կենդանի է եղել, բայց չի մասնակցել Գրիգոր Անավարդեցու դեմ գումարված ժողովին։

17 Գ. Հովսեփյան, Մխիթար Այրիվանեցի, էջ 15:

18 Նույն տեղում:

19 Մատենադարան, ձեռ. № 84, թ. 282բ:

20 Ն. Ակինյան, Մխիթար Այրիվանեցվո Ճառընտիրի նորագյուտ հիշատակարանը, էջ 120—124:

21 Նույն տեղում:

22 Ղ. Ալիշան, Այրարատ, էջ 356:

23 Է. Հարությունյան, Բանասիրական դիտողություններ Մխիթար Այրիվանեցու «Պատմութիւն ժամանակագրական» աշխատության մասին (ՀՍՍՀ ԳԱ «Լրաբեր», 1979, № 5, էջ 75—77):



Մխիթար Այրիվանեցին իր ճգնավորական տարիներին զբաղվել է հիմնականում ստեղծագործական աշխատանքով: Այդ են վկայում նրա Պատմությունում պահպանված հետևյալ տողերը. «Իսկ զայս իրակերտութիւնս, զոր սկսալ յուսով Ասաուծոյն ոչ յազգաս յիշատակի ինչ բարեաց յաստուածայինս կամ ի մարդկայինսն, այլ զմիտ իմ մարդելով ի գործս և ի տեսութիւնս զբարեացական վերձանութեանց, թերևս փոքր ինչ արգելցի ի ցնդմանէ նրկաբարշական ցնորմանց»<sup>24</sup>: Քարայրում Մխիթար Այրիվանեցու ստեղծագործական աշխատանքի արգասիքն են նրա Պատմությունն ու «Տոմարի տեսութիւն» աշխատութիւնները: Հնարավոր է, որ սրանցով չի ամբողջանում մատենագրի այդ տարիների ստեղծագործութիւնների ցանկը:

Մխիթար Այրիվանեցին Այրիվանքի ժայռափոր առանձնարանում էլ, հավանաբար, կնքել է իր մահկանացուն: Հիշյալ քարայրում այժմ էլ պահպանվում է հազիվ նշմարելի և քայքայված մի տապանաքար, որի ներքո, ըստ երևույթին, ամփոփված է նրա աճյունը:

## НАДПИСЬ В ПЕЩЕРНОЙ КЕЛЬЕ МХИТАРА АЙРИВАНЕЦИ

ЭЛЕОНОРА АРУТЮНЯН

### Резюме

В пещерном монастыре Гехард сохранилась келья Мхитара Айриванеци с его надписью. В свое время надпись расшифровал и опубликовал Гарегин Овсепян, который указанную в ней дату связал с годом рождения Мхитара Айриванеци. Новая расшифровка надписи показывает, что последняя не связана с возрастом Айриванеци, а две содержащиеся в ней в шести видах летосчисления даты указывают на время создания кельи и высечения надписи. Вся надпись в целом проливает свет на последние годы жизни Мхитара Айриванеци, о которых до сих пор ничего не было известно.

<sup>24</sup> Մատենադարան, ձեռ. № 562, Թ. 3բ: